



# Embassy of the United States of America

Bujumbura, Burundi

18 Janvier 2013

## Ambassadeur Liberi à l' occasion de la présentation de ses Lettres de Créances

Mwaramutse. Mpejeje kubonana na Nyakubahwa Nkurunziza kugira ngo ndamushikirize amakete angena guserukira Leta Zunze Ubumwe za Amerika, ndamushikiriza kandi indamutso y'amahoro no kuroranigwa ya Nyakubahwa Obama n'abanyamerika bose.

Naratewe iteka kubona Nyakubahwa Obama angena ngo ndamuserukire, nserukire na Leta Zunze Ubumwe za Amerika hano mu igihugu c'Uburundi. Leta Zunze Ubumwe za Amerika zagumye ziserukiwe hano i Burundi kuva aho hatangurijwe imigenderanire hagati y'ibihugu vyacu haraheze imyaka 50.

Ndategereje rero n'igishika cinshi gukorana na Leta y'Uburundi, amashirahamwe y'igenge, abikorera utwabo hamwe n'abandi bose kugira ngo, twishimike ivyiza twaranguye muri kahise, dushobore kuguma turangura vyiza kurusha. Uguwashanya kwacu gushingiye ku amateka ya demokarasi dusanzwe dusangiyе hamwe n'ugutsimbataza amahoro, umutekano n'iterambere hano mugihugu no mukarere.

Leta Zunze Ubumwe za Amerika ziritayeho cane gukomeza ubucuti n'imigenderanire dusanganywe nkuko twavyerekanye muri wamugambi wokunagura ivy'amagara y'abantu, mugushigikira utwigoro tw'Uburundi twogukabura no guteza imbere ubutunzi hamwe n'ugufashanya muvyereye igisirikare. Inyubakwa nshaha y'ubuserukizi bwa Leta Zunze Ubumwe za Amerika ni kimwe muvyerekana ubwo bucuti burama.

Naho rero ari ubwambere nje kuba hano i Burundi, si ubwambere nkoreye muri Afurika. Narashoboye gukorera mubihugu bitanu (5) vyo muri Afurika navyo bikaba ari Nigeriya, Ubuganda, Gana, Senegal na Niger. Nsanzwe rero menyereye kandi ntegera cane ibibazo

Uburundi bufise muvyereke iterambere ariko rero ndazi neza ko igihugu cose cisangije ibibazo. Ndategereje rero n'igishika cinshi kumenya ibirushirije noguhura n'abarundi b'imihingo itandukanye mu igihugu cose.

Mumirimo yacu ya minsi yose, ndategereje kandi n'igishika cinshi guhura n'abarundi nokumenya ibirushirije mubijanye n'akaranga kanyu.